

Taitas

Pol Taitas nop mij ñu kil tikak

1 ¹Yad Pol. God yip ag lek wög gi ñeb bi ne alap midil, Jisas Kraiss minim tep ne dad ajep bi ne alap midebin.

God yip ag lak ak, bin bi ne dinig geb okok kirop God Minim ak ag ñen kiri minim nibak niñ di wös gil, minim niñid yipil ak niñ tep gil, ageb rek nep ginimel, agil, God yip wög nibak ag lak. ²God ne minim esek alap ma ageb. Ne birarik ped okok kariñ lim ma gi lak ñin ak minim niñid agil agak rek, bin bi an an minim niñid ne nibak niñ dil, minim niñid yipil ak niñ tep gil, ak rek nep ginigal okok, ne kirop komiñ per midep won ak ñiniñab.

³Ñin ne ke ag lak ñin ak nep, God minim ne miseñ lak. God, Di Komiñ Yokep Bi cin ak, yip ag lek, minim tep ne miseñ ag ñi ajpin.

⁴Taitas, nep mij nibaul ñu kil tikebin. God Minim ak nep ag ñinek, nak Kraiss Jisas niñ dil, minim tep ar nokim niñir ak me, nep ñi tep yad, agebin. Bapi God abe, Di Komiñ Yokep Bi cin Kraiss Jisas abe, nep yimig niñil, di tep gil, kod mid tep ger, nak kapkap mid tep ginimin.

⁵Yad nep kariñ lim ñig tib kis giñ airan Krit ag lil, agnek, “Bin bi kirop Kraiss minim tep ak ag ñirok okok kauyañ am niñil, wög ognap ma girok ak gilig gi, bi kib kirop kod midep kariñ lim ke ke midebal okok ag linimin,” agnek.

⁶Pen bin bi Kraiss niñ dipal okok bi kib kirop kod midep ognap dinig, bi yokop ma dinimin. Bi gi tep giñal okok nep niñil dinimin. Bin kiri nokim alap nep dil, ñi pai kiri okok kirop kod mid tep gel, Kraiss nop niñ dil, ami bapi minim dil kisen gil abramek ma giñal, bi okok nep niñil dinimin. ⁷Kraiss bin bi ne kod midep bi okok kiri God wög ne ke kod midebal. Nib ak, bi kod midep bi okok kiri gi tep nep gel, bin bi ognap kirop minim ag junimel rek ma linimiñ. Pen bi minim pen pen apal okok, bi kasek kal jupal okok, bi ñig kilis ñibil saköl ñapal okok, bi warik pen pen pakpal okok, bi kibap kilnok mani si dinig giñal okok, kirop niñil ma dinimin. ⁸Pen bin bi Kraiss niñ dipal okok bi kirop kod midep okok, bin

bi par okok nib ag wasu dam karip kiri eip nab adaŋ dil, tap tari tari tep mideb okok midmagil lil, gos miŋ goŋ kiri ke gos gip rek ma gil, bin bi gep abe bin bi tam okok abe magilsek di tep gil, bi siŋ midon, agil, per nep God Minim ageb rek nep gos niŋil, kilis gil ageb rek nep gil, ginimel. ⁹Krais minim niŋid ned ag ŋelak niŋlak ak nep niŋ di wös gilig gi, Krais bin bi okok kirop Krais minim yipid gil ak nep ag ŋi tep gel, kiri niŋ dil gos sek midenigal. Niŋ gil, bin bi minim yipid gil nibak tib jupal okok, kirop minim yipid gil ar ak ag ŋi tep genigal, minim pen agnimel rek ma linigab.

¹⁰Tari ginig: bin bi Krais bin bi ne midobin apal okok koŋai nep God Minim ak tib juil, minim esek okok nib dil bin bi ognap kirop ag ŋil, kanib timel ak lip gi dad ambal. Bi nib okok koŋai nep bi Juda nib. Kiri Krais nop niŋ dipal ak pen kiri minim esek agil apal, “Juda bin bi mer okok kiri Krais nop niŋ dil, wak tib gi rik genigal ak me, Krais bin bi ne midenigal,” apal. ¹¹Nak agenimin minim esek ak kirig ginimel. Mani tap okok din, agil, kiri minim esek nibak nep ag ŋel, bi ognap bin bi ŋi pai karip kiri eip kin midebal okok magilsek minim esek nibak niŋ dipal.

¹²Pen bi minim agep kiri ke Krit nib bi alap agak, “Bin bi Krit nib okok per nep minim tom agil, timel yib nep gil, kiri yirik gek wög ma gil, tap tep koŋai nep din agil, kain sapeb rek midebal,” agak. ¹³Bi Krit nib minim agak nibak minim niŋid yib agak. Niŋ gipal nibak nak kirop minim kilis yib agil, minim tom apal ak kirig gil, Krais minim tep ak yipid gil nep niŋ dinimel.

¹⁴Kirop minim kilis agninin, Juda bin bi kesim yokop wösrek okok ageligipal okok kirig ginimel; bin bi Krais minim niŋid yo nipal okok nig nig ginimib apal okok, minim kirop ma niŋ dinimel.

¹⁵God bin bi tep ne okok tap ognap bil ma gipal; tap tep agil abramek dipal. Pen bin bi tap si tap timel nep gipal okok abe, bin bi Krais nop ma niŋ dipal okok abe, tap koŋai nep bil gipal.

Bin bi nib okok rek, gos timid kiri piŋ nep kaŋ ŋib timel gek, gos niŋ tep gil ma gipal. ¹⁶Cin God nop niŋ dil, bin bi ne midobin apal ak pen kiri gipal rek niŋil niŋin, kiri God bin bi ne mer. Kiri God Minim tep ageb rek yo nipal ak me, kiri tap tep alap ginimel rek ma lip. Gipal nibak God niŋek milik yowip.

Krais bin bi ne okok kirop kod mid tep ginimin

2 ¹Pen nak bin bi okok kirop God Minim yipid gil ar ak nep ag ŋinimin. ²Bi kib rek okok kirop ag ŋi tep ginimin, ŋig wain koŋai ma niŋnimel; gos niŋ tep gil, tap timel ma ginimel; miŋ goŋ kiri ke gos gip rek nep ma ginimel; tap tari genimin, kiri kilis gil Krais minim tep ne ak niŋ di wös gil, Krais nop cig di wös gil, bin bi okok midmagil yib lil, kilis gil gi damil, bi kapkap sain rikil, gi midenimel. ³Bin nonim rek okok

kirop ak rek nep ag ñi tep ginimin, kiri God Minim ageb rek nep gil gi tep nep ginimel; kiri bin bi ognap kirop yib ag juel ma yonimij; ñig wain konjai ma ñiñnimel; kiri bin ñi pai sikop okok kirop nag tep ar ak nep ag ñi tep ginimel. ⁴⁻⁵Nig gil mid tep gil, kiri bin tob wagin kisen lipal okok kirop ag ñi tep gel, kiri pen nigmil sikop kirop midmagil lil, ñi pai kiri okok kirop midmagil lil, mib goñ kiri ke gos gip rek nep ma gil, asiñ ma mideb rek nep midil, wög karip kiri okok gi tep gil, bin bi ognap okok di tep gil, nigmil sikop minim agnimel mok okok midenimel. Nig gel, bin bi ognap niñil, God Minim ak ma ag junigal.

⁶Pen bi praj okok kirop minim kilis agnimin, kiri mib goñ kiri ke gos gip rek nep ma ginimel. ⁷Pen nak minim tari tari kirop ag ñinigan ak, nak ke per nep tap magilsek nig aknib rek nep ginimin, bi praj okok nep niñil, kiri nig aknib rek nep ginigal. Pen nak bin bi okok minim ag ñinigan ak, sik sik aglig gi ma agnimin; gos niñ tep gil God Minim yipid gil nep ag ñi tep ginimin. ⁸Minim magil agnig geban ak niñ tep gil agnimin, bin bi cinop niñel milik yowip okok minim ognap piyo mer niñil kirop nabiñ ginigab.

⁹Pen Kraiss bin bi ne, bin bi ognap tau dapel, miñ wög rek gipal okok kirop agnimin, bi kib yad tep ginimij ar ak nep ginim agil, minim ognap pen ma agil, bi nap kiri okok agenimel rek nep ginimel. ¹⁰Nap kiri okok tap si ma dil, per nep nap tap kiri okok magilsek kod mid tep gil, wög magilsek gi tep gil ginimel. Nig gil, gi tep genigal ak, bin bi okok niñil, God Di Komiñ Yokep Bi cin ak minim ne niñil agnigal, minim nibak minim niñid minim niñ dep, agnigal.

¹¹Pen God bin bi okok magilsek yimig yib niñip rek, Kraiss Jisas karip lim wagin aul miseñ apil kimek, bin bi okok magilsek karip ne seb kab ar alañ siñak per nep komiñ midenimel rek lip. ¹²God ne cinop yimig yib niñip ak niñil nipin, tap si tap timel gipin okok abe, mib goñ cin ke lip gek gipin ak abe, kirig gil, karip lim midobin wagin aul, gos niñ tep gil, bin bi ognap kirop tap timel alap ma gil, kilis gil God Minim ageb rek nep gin. ¹³Nib ak, God cin Jisas Kraiss cinop di komiñ yokeb ak, melik sek adik gi onigab, agil, gos sek midil, tep gek niñlig gi midobin. ¹⁴Jisas cinop nen agil kimak ak, “Tap si tap timel gipal okok magilsek pen ñen, kiri bin bi asiñ ma mideb yad ke midil, gi tep nep gin agil gos niñ midenimel,” agil, cinop nen agil kimak.

¹⁵Minim agesin nibaul bin bi okok kirop ag ñi tep ginimin. Pen bin bi abramek gipal okok kirop kilis gil ag ñinimin, meg migan nep ak sipsip ma niñnimel.

Kraiss bin bi kiri titi gil ginigal

3 ¹Kraiss bin bi okok kirop agnimin, kiñ okok abe, gapman bi kib okok abe minim agnimel rek nep ginimel. Per nep bin bi ognap okok

kirop gi tep ginimel rek linimiņ ak, kirop gi tep ginimel. ²Pen bin bi ognap okok kirop minim esek agel yib kiri ma ap yonimiņ; pen pen ma agil, bin bi ognap okok ag di tep gil, bin bi okok magilsek eip bin bi sain mid tep gil, ginimel. ³Pen tari: cin ke ned ak rek nep gos niņ tep ma gil, God Minim ageb rek yo niņil, mib goņ cin ke gos gip rek nep gin, agil, bi nagiman rek midoligipin. Cin tap si tap timel nep gilig gi midoligipin; bin bi okok kirop gos timel niņil, tap kiri okok tap cin rek midobkop agil, cin pen niņon milik yapek kiri pen niņel milik yapek goligipin. Pen yo niņel pen yo niņil goligipin.

⁴Ned nig goligipin ak pen kisen God, Di Komiņ Yokep Bi cin ak, God bin bi mapin niņil midmagil lip ak cin bin bi rek miseņ lak. ⁵God ne cinop di komiņ yokak. Cinop di komiņ yokak ak, cin ke tap tep ognap gon cinop di komiņ ma yokak. Ne cinop mapin yib niņip ak me, cinop di komiņ yokak. Gak nibak, Kaun Siņ ak cinop ñek, gac cin ak lig gi yokek, bin bi kisen nib yib lipin. ⁶Jisas Kraiss cinop nen agil kimil di komiņ yokak ak me, God ne Kaun Siņ cinop pis nep soņ gi yokek apil cinop nab adaņ mideb. ⁷God gak nibak, cinop mapin niņil bin bi komiņ tep ne rek dil, komiņ per midep magil dinimel, agil, gak. ⁸Minim niņid yib me nibak.

Minim agesin nibak niņ tep gil kilis gil ag ñinimin, God nop niņ dipal bin bi okok gos nokim nibak nep niņil, bin bi ognap kirop gi tep gilig gi midenimel. Nig ginigal ak gi tep yib ginigal. Minim nibaul minim tep yib; karip lim tigoņ tigoņ dad amel, ageb rek nep genigal ak, bin bi magilsek kapkap mid tep ginigal.

⁹Pen bin bi ognap minim abramek ag amil apil gil, apis based cin okok nib nib gil tikel owip, agil, Juda lo minim ak nib nib gil mideb, agil, pen pen agenimel ak, nak eip ma agninin. Minim nib okok wagin alap ma mideb; bin bi minim yokop nibak niņil kapkap mid tep ginimel rek ma lip.

¹⁰Nib ak, bin bi ognap God Minim yipid gil ak kirig gil, minim ognap ke agenimel, minek nokim alap agninin. Pen ma niņenimel, minek ak rek nep agninin. Minek ak rek nep ma niņenimel, kirop pis nep kirig ginimin. ¹¹Nak niņan, bin bi nig gipal okok kiri gos timel nep niņil, tap si tap timel nep gilig gi midel, gos midmagil nab kiri adaņ gac mideb ak miseņ lek niņin.

¹²Yad kisen Atemas aka Ticikas ag yoken, nak mideban siņak nek, nak kasek owep rek lenimiņ kasek Nikopolis taun onimin. Yibaud gil yigen ginigab ñin ak yad am mideniņain karip lim nibak. ¹³Bi nak Sinas lo minim niņip ak eip, bi nak Apolos eip, kirop di tep ginimin, kanib amniņ genimir ak, tap kiri ognap ma midonimiņ kirop ñek dad amnimir. ¹⁴Kraiss bin bi ne Krit midebal okok, kiri wög gilig gi midel tap ñiņeb ognap pilnimiņ. Kiri kilis gil per nep gi tep gilig gi midil, wög gilig

gi midil, tap magil ñibil, bin bi tap ma mideb okok kirop ognap bilok ñinimel.

¹⁵Taitas. Bin bi yad eip midobin siñaul nep, “Mideban?” agebal. Pen cin Krai minim tep niñ dipin rek niñ dil cinop midmagil lipal okok kirop, “Midebin?” agninin.

God nibep magilsek yimig niñil kod midenimiñ.